

摛藻堂四庫全書薈要

集部

欽定四庫全書會要

集部

御定全唐詩卷五百六十一至五十八

詳校官原任主事臣李斯咏

欽定四庫全書
欽定全唐詩卷一萬七千九百六十三

集部

御定全唐詩卷五百五十八

薛能

薛能字太拙汾州人登會昌六年進士第大中末書判
刑部員外郎福徙西蜀奏以自副咸通中攝嘉州刺史
遷主客度支刑部郎中權知京兆尹事授工部尚書節
度徐州徙忠武廣明元年徐軍戍溵水經許能以舊軍

館之城中軍懼見襲大將周岌乘衆疑逐能自稱留後
因屠其家能僻于詩日賦一章有集十卷今編詩四卷

新雪八韻

居新雪 一作閑

大雪滿初晨開門萬象新龍鍾雞未起蕭索我何貧耀
若花前境清如物外身細飛斑戶牖乾灑亂松筠正色
凝焉嶺隨流助要津鼎消微是一作示淳車碾半和塵茶

興留詩客瓜情想成人終篇本無字誰別勝陽春

國學試風化下

齊闕露穹崇含生仰聖聰英明高比日聲教下如風靜
發宸居內低來品物中南薰歌自溥北極響皆通蘋末
看無狀人間覺有功因今一作令委泥者覩此忘途窮

昇平詞十首

樂府作昇平樂

瑞一作氣遶宮樓皇居信上一作遊遠岡連一作聖祚

上苑延

聖祚

平地載神州會合皆重譯潺湲近八流中興豈假問據
此自千秋

寥沉散廷英朝班立位橫宣傳無草動拜舞有衣聲鴛

瓦霜消濕蟲絲日照明辛勤自不到遙見似前程一作生

處處是一作足歡心一作聲時康歲已深不同三尺劍應似

五弦琴壽笑山猶盡明嫌日有陰何當憐一物亦遭斷

愁吟

曙質絕埃氛彤庭列禁軍聖顏初對日龍尾競緣雲佩
響交成韻簾陰暖帶紋逍遙豈有事於此詠南薰

一物至周天洪纖盡晏然車書無異俗甲子並豐年奇

技皆歸朴征夫亦服田君王故不有台鼎合韋弦一作賢

日日聽歌謡區中盡祝堯蟲蝗初不害夷狄近全銷史
筆惟書瑞天臺絕見妖因令匹夫志轉欲事清朝

品物盡昭蘇神功復帝謨他時應有壽當代且無虞賜
歷通遐俗移闕入半胡鶴鶴一何幸於此寄微軀

無戰復無私堯時即此時焚香臨極早待月卷簾遲端
拱乾坤內何言駐纊垂君看聖明驗只此是神龜

旭日上清穹明堂坐聖聰衣裳承瑞氣冠冕蓋一作見重

瞳花木經宵露旌旗入一作立仗風何期於此地見說是

神工一作仙宮

五帝三皇主蕭曹魏邴臣文章惟邇朴戈甲盡生塵諫
紙應無用朝綱自有倫昇平不可記所見是閒人

送馮溫往河外

琴劍事行裝河闊出北方秦音盡河內魏晝自黎陽野
日村苗熟秋霜館葉黃風沙問船處應得立清漳

送從兄之太原副使

少載琴書去須知暫佐軍初程見西嶽盡室渡橫汾元

日何州住枯風宿館聞都門送行處青紫騎紛紛

送馬戴書記之太原

一曲大河聲全家幾日行從容長約夜差互忽離城鎮

北胡沙淺途中霍蕪橫相逢莫已訊

一作

詩雅

一作

負

雄名

送友人出塞

榆關到不可何況出榆關春草臨岐斷邊樓帶日閒人

歸空帳外鳥亂度

一作

廢營間此地堪愁

一作

想霜前作

意還

送李溟出塞

邊城官尚惡況乃是羈遊別路應相憶離亭更少留黃
沙人外濶飛雪馬前稠甚險空廬宿無為過代州

寄終南隱者

海日東南出應開嶺上扉掃壇花入篠科竹露沾衣飯
後嫌身重茶中見鳥歸相思愛民一作名者難說與親違

贈隱者

自得高閒性平生向北

一作此

棲月潭雲影斷山葉雨聲

齊庭樹人書匝欄花鳥坐低相留永不忘經宿話丹梯

惜春

花開亦花落時節暗中還無計延春日可能留少年小叢初散蝶高柳即聞蟬繁豔歸何處滿山啼杜鵑

送人自蘇州之長沙縣官

驅馬復乘流何時發虎丘全家上南嶽一尉事諸侯茶煮朝宗水船停調角州炎方好將息卑濕舊堪憂

早春歸山中舊居

茫茫驅匹馬歸處是荒榛緩跡破庭雪亂縱生甌塵開
門衝網斷掃葉放苔勻為惜詩情錯應難致此身

麟中一作東 寓居寄蒲中友人

蕭條秋雨地獨院阻同羣一夜驚為客多年不見君邊
心生落日鄉思羨歸雲更在相思處子規燈下聞

關中送別

一行千里外幾事寸心間才子貧堪歎男兒別是閒黃

河淹華岳白日照潼關若值鄉人問終軍賤不還

中秋夜寄李溟

滿魄斷埃氣牽吟並舍聞一年唯此夜到晚願無雲待
賞從初出看行過二分嚴城亦已閉悔不預期君

贈禪師

夢想青山寺前年住此中夜堂吹竹雨春地落花風舊
句師一作僧曾見清齋我亦同浮生塞莫問辛苦未成功

送禪僧

寒空孤鳥度落日一僧歸近寺路聞梵出郊風滿衣步
搖瓶浪起孟戛磬聲微還坐棲禪所荒山月照扉

贈隱者

門前雖惟一作有徑絕向世間行雜草因逢藥移花便得

鶯甘貧原元一作是道苦學不為名莫怪蒼鼯晚無機任

世情

冬日送僧歸吳中舊居

一本無舊居二字

去掃冬一作東林下閒持未徧經為山低鑿牖容月廣開

庭舊業雲千里生涯一瓶還應覓新句看雪倚禪局

恭禧皇太后挽歌詞三首

八月曾殊選三星固異儀祔陵經灞渡歸贈雜華夷旌
去題新謚宮存鑠素幃重泉應不恨生見太平時

月落娥兼隱宮空后豈還銜哀窮地界親蒞泣天顏舊

住留丹藥一作龜

新陵在碧山國人傷莫及應只詠關關

配聖三朝隔靈儀萬姓哀多年好黃老舊日薦賢才道
著標形管宮閒閑綠苔平生六衣在曾著祀高襟

送胡澳下第歸蒲津

無媒甘下一作不飛君子尚麻衣歲月終榮一作容終在

家園近且歸山光臨舜廟河氣隔王畿甚積湯原思青

青宿麥肥

原注湯故地

春日閒居

權門多見薄吾道豈終行散地徒憂國良時不在城花繁春正王茶美夢初驚賴有茲文在猶堪暢此生

題逃戶

幾世骨

一作事

農桑凶年竟失鄉
朽闌生濕菌傾屋照斜

陽雨水淹殘白葵花壓倒牆明時豈致此應自負蒼蒼

郊居答客

傍舍蟲聲滿殘秋宿雨村遠勞才

一作之

子騎光

一作先

顧

野人門敗葉盤空蔓彫叢露暗根相攜未盡語

一作未盡

語

川月照黃昏

早春歸山中舊居

一作寓居有懷呈舊知

綠草閑閒院悄然花正開新年人未去戊日燕還來雨

地殘枯沫燈窗積舊煤歸田語不忘樗散料非才

下第後春日長安寓居三首

一榜盡精選此身猶陸沈自無功讜分敢抱怨尤心暖
陌開花氣春居閑日陰相知豈不有知淺未知深
暫屈固何恨所憂無此時隔年空仰望臨日又參差勞
力且成病壯心能不衰猶將琢磨意更欲候宗師
關東歸不得豈是愛他鄉草碧餘花落春閒白日長全
家期聖澤半路敢農桑獨立應無侶浮生欲自傷

春早選寓長安二首

疎拙自沈昏長安豈是村春非閒客事花在五侯門道
僻惟憂禍詩深不敢論揚雄若有薦君聖合承恩

舊論已浮海此心猶滯秦上僚如報國公道豈無人巖
隱懸溪瀑城居入榻塵漁舟即擬去不待晚年身

送進士

一本無進士二字

許棠下第東歸

長安那不住西笑又東行若以貧無計何因一作因何事有
成雲峰天外出江色草中明謾忝相於一作知分吾言世

甚輕

詠鳥

孤島

一作鳥

如江上詩家猶

一作獨

閉門一池分倒影空舸

繫荒根煙濕高吟石雲生偶坐痕

登臨有新句公退與

誰論

冬日寫懷

一作寫懷

幕府盡平蠻客留戎閭間急流霜夾水輕靄日連山設
醴徒慙楚為郎未姓顏斯文苦不勝會擬老民間

和楊中丞早春即事

貴宅登臨地春來見物華遠江橋外色繁杏竹邊花戍
客烽樓迴文君酒幔斜新題好不極珠府未窮奢

聞官軍破吉浪戎小而固慮史氏遺忽因記為

二章

一戰便抽兵蠻孤吉浪平通連無舊穴要害有新城晝
卒烽前寢春農界上耕高樓一擬一作凝望新雨劖南清

瀘水斷鼈氛妖巢已自焚漢江無敵國蠻物在迴軍越

舊通遊國

一作客
一作騎

首咩閒聚蚊空餘羅鳳曲哀思滿邊

雲

寒食有懷

流落傷寒食登臨望歲華村毬高過索墳樹綠和花晉

聚應搜火秦喧定走車誰知恨榆

一作楊

柳風景似吾家

綿

一作樓

溪邊人浣紗樓下海棠花極望雖懷土多情擬置家前
山應象外此地已天涯未有銷憂賦梁王禮欲奢

雕堂

丈室久多病小園晴獨遊鳴蛩孤燭雨悼雀一籬秋聖
主恩難謝生靈志亦憂他年誰識我心跡在徐州

贈歌人

溫燠坐相侵羅襦一水沈拜深知有意令背不無心近
住應名玉前生約一姓的姓陰東山期已定相許便抽簪

柘枝詞三首

樂府詩集題作柘枝調

同營三十萬震鼓伐西羌戰血黏秋草征塵攬夕陽歸

來人不識帝里獨戎裝

懸軍征拓羯內地隔蕭關日色崑崙上風聲朔漠間何當千萬騎颯颯貳師還

意氣成功日春風起絮天樓臺新邸第歌舞小嬋娟急破催搖曳羅衫半脫肩

詠柳花

浮生失意頻起絮又飄淪發自誰家樹飛來獨院春朝容榮斷砌晴影過諸鄰亂掩宮一作空中蝶繁一作衝陌還

上人隨波應到海霑雨或依塵會向慈恩日輕輕對此身

一葉落

輕葉獨悠悠天高片影流隨風來此地何樹落先秋變色黃應近辭林綠尚稠無雙浮水面孤絕落闊頭乍減誠難覺將凋勢未休客心空自比誰肯問新愁

行路難

何處力堪殫人心險萬端藏山難測度暗水自波瀾對

面如千里迴腸似七盤已經吳坂因欲向鴈門難南北
誠試一作須泣高深不可干無因善行止車轍得平安

蔡州蔣亭

草徑徹林間過橋如入山蔡侯添水榭蔣氏本柴闉靜
汎窮幽趣驚飛濕醉顏恨無優俸買來得暫時閒步與
招提接舟臨夕照還春風應不到前想負花灣

戲題

閃閃動鳴璫初來燭影傍擁頭珠翠重繁步綺羅長靜

發歌如磬連飄氣覺香不言微有笑多媚總無妝坐缺
初離席簾垂却入房思惟不是夢此會勝高唐

酬曹侍御見寄

儒道苦不勝邇來惟慕禪觸途非巧者於世分沈然要
地羞難入閒居鈍更便清和挑菜食悶寂閉花眠累遣
期拋俸機忘怕與權妨春愁筦榷響夜憶林泉匪石從
遭刖殊膏枉被煎討論唯子厚藏退合吾先舊製羣英
伏來章六義全休旬一擬和鄉思亂情田

送趙道士歸天目舊山

愚朴尚公平此心鄰道情有緣終自鄙何計逐師行日

者聞高躅時人蓋强名口無滋味入身有羽儀生奏乞

還鄉遠

一作速

詩曾對御成土毛珍

一作徵

到越塵髮倦離

京符叱

一作咒

風雷惡朝修月露清觀臨天目頂

一作秀

家

住海潮聲道引圖看足參同注解精休糧一擬問窗

一作

忽草俟回程

除夜作

和吹度穹旻虛徐接建寅不辭加一歲唯喜到三春燎
照雲煙好幡懸井邑新禎祥應北極調燮驗平津樹欲
含遲日山將退舊塵蘭萎殘此夜竹爆和諸鄰祝壽思
明聖驅儺看鬼神團圓多少輩眠寢獨勞筋茜旆猶雙
節雕盤又五辛何當平賊後歸作自由身

桃花

香色一作秀氣

一作氣

自天種鍾

一作

千年豈易逢開齊全未落繁極

欲相重冷濕朝如淡晴乾午更濃風光新社燕時節舊

春農籬落欹臨竹亭臺盛間松亂緣堪羨蟻深入不如
蜂有影宜暄煦無言自冶容洞連非俗世溪靜一作盡接
仙蹤子熟河應變根盤土已封西王潛愛惜東朔盜過

從醉席眠英好題詩戀景慵芳菲聊一望何必在臨邛

黃河

何處發崑崙連乾復浸坤波渾經鴈塞聲振自龍門岸
裂新衝勢灘餘舊落痕橫溝通海上遠色盡山根勇逗
三峰坼雄標四瀆尊灣中秋景樹闊外夕陽村沫亂知

魚喞槎來見鳥蹲飛沙當白日凝霧接黃昏潤可資農
畝清能表帝恩雨吟堪極目風度想驚魂顯瑞龜曾出
陰靈伯固存盤渦寒漸急淺瀨暑微溫九曲終柔勝常
流可暗吞人間無博望誰復到窮源

華嶽

簇簇復亭亭三峰卓杳冥每思窮本末應合記圖經發
地連宮觀衝天接井星河微臨巨勢秦重載竒形太古
朝羣后中央擘巨靈鄰州猶映檻幾縣恰當庭鶴毳壇

風亂龍葵洞水腥望遙通北極上徹見東溟客覩晴難偶農祈雨必零度闊無暑氣過路得愁醒羽客時應見霜猿夜可聽頂懸飛瀑峻崦合白雲青混石猜良玉尋苗得茯苓從官知一作如側近悉俸致巖扃

秋雨第二十二

句缺一字

宿雨覺纔初亭林忽復徐簇聲諸樹密懸滴四簷疎省漏疑方丈愁炊問斗儲步難多入屐窗淺欲飄書動蠅蒼苔靜藏蠶落葉虛吹交來翕習雷慢歇躊躇滯已妨

行路晴應好荷鋤醉樓思蜀客鯉市想淮魚逕草因緣
合欄花自此除有形皆霖霖無地不汙瀦境晦宜甘寢
風清退居我魂驚曉簾鄰詰喜秋蔬既用功成歲旋
應慘變舒倉箱足可恃歸去傲吾廬

春色滿皇州

一作勝
邁詩

鵠鵠復悠悠春歸十二樓最明雲裏闕先滿日邊州色
媚青門外光搖紫陌頭上林榮舊樹太液鏡一作泛新流
暖帶祥煙起清一作晴添瑞景浮陽和如啓蟄從此事芳

遊

寄唁張喬喻坦之

何事盡參差惜哉吾子詩日令銷此道天亦負明時有
路當重振無門即不知何當見堯日相與啜澆漓

贈僧

盡日行方到何年獨此林客歸惟鶴伴人少似師心坐
石落松子禪牀搖竹陰山靈怕驚定不遣夜猿吟

御定全唐詩卷五百五十八

欽定四庫全書
欽定全唐詩要卷一萬七千九百六十四

集部

御定全唐詩卷五百五十九

薛能

春日旅舍書懷

出去歸來旅食人
麻衣長帶幾坊塵
開門草色朝無客
落案燈花夜一身
貧舍卧多消永日
故園鶯一作陰老憶

殘春蹉跎冠蓋誰相念
二十年中盡苦辛

秋日將離滑臺酬一作贈所知二首

身起中宵骨亦驚。一分年少已無成。
松吹竹簾朝眠冷。雨濕蔬食宿疾生。
僮汲野泉兼土味。馬磨霜樹作秋聲。
相知莫詰詩心苦。未似前賢取得名。

燈澀秋光靜不眠。葉聲身

一作峰

影客窗前閒。園露濕鳴

蛩。夜急雨風吹落木。天城見遠山。應北嶽。野多空地。本
南燕。明朝欲別忘形處。愁把離枯聽管弦。

下第後夷門乘舟至永城驛題

秋賦春還計盡違。自知身是拙。求知唯思曠海為。
一作無

休處一作忽一作喜孤舟似去時連浦一作夜一城一作日却喜

蕪汴宋夾堤千柳雜唐隋從來此恨皆前達敢負吾君
作楚辭

秋夜旅舍寓懷

庭鎖荒蕪獨夜吟西風吹動故山人一作心三秋木落半

年客滿地月明何處砧漁唱亂沿汀鶩合鴈聲寒咽隴
雲深平生只有松堪對露浥霜欺不受侵

洛下寓懷

胡為遭遇孰為官朝野君親各自歡敢向官一作官途爭

虎首尚嫌身累愛猪肝冰霜谷口晨樵遠星火爐邊夜坐寒唯有報恩心未剖退居猶欲佩芄蘭

題平湖

平湖湖畔雨晴新南北東西不隔塵映野煙波浮動日損花風雨寂寥春山無俗路藏高士岸泊仙舟憶主人那得載來都未保此心離此甚情親

平陽寓懷

晉國風流阻一作沮 汝川家家弦管路岐邊曾為郡職隨
分竹亦作歌詞乞採蓮北榭遠峰閒即望西湖殘景醉
常眠牆花此日休迴避不是當時惡少年

留題汾上舊居

鄉園一別五年歸迴首人間總禍機尚勝鄰翁常寂寞
敢嫌裘馬未輕肥塵顏不見應消落庭樹曾栽已合圍
難說累牽還却去可憐榆柳尚依依

懷汾上舊居

素汾千載傍吾家常憶衡門對浣紗好事喜逢投宿客
刈田因得自生瓜山頭鼓笛陰沈廟陌上薪蒸突兀車
投暗作珠何所用被人專擬害靈蛇

送同儒大德歸柏梯寺

柏梯還擬謝微官遙擬千峰送法蘭行徑未曾青石斷
拂牀終有白雲殘京塵濯後三衣潔山舍禪初萬象安
薇蕨縱多師莫踏我心猶欲盡一作畫圖看

春日使府寓懷二首

一想流年百事驚已拋漁父戴塵纓青春背我堂堂去
白髮欺人故故生道困古來應有分詩傳身後亦何榮
誰憐一作言合負清朝力獨把風騷破鄭聲

平生無解亦無操永日書生坐獨勞唯覺宦情如水薄
不知人事有山高孤心好直迷猶強病髮慵梳癢更搔
何事故溪歸未得幾拋清淺汎紅桃

許州題德星亭

漢一作水南流東有堤堤邊亭是武陵溪槎松配石堪

僧坐藥杏含春欲鳥啼高樹月生滄海外遠郊山在夕
陽西頻來不似軍從事只戴紗巾曳杖藜

送人歸上黨

時潞寇初平

燕臺基壞穴狐蛇計拙因循歲月賒兵革未銷王在鎬
桑蠶臨熟客還家霏微對岸漳邊雨堆阜鄰壘薊北沙
若到長平戰場地為求遺鏃辟魔邪

春日重遊平湖

湖上春風發管弦須臨三十此離筵離人忽有重來日

遊女初非舊少年官職已辜疲瘵望詩名空被後生傳
啼鶯莫惜蹉跎恨閑事聽吟一兩篇

并州

少年流落在并州襄脫文君取次遊攜挈共過芳草渡
登臨齊凭綠楊樓庭前蛺蝶春方好牀上樗蒲宿未收
坊號偃松人在否餅爐南畔曲西頭

相國隴西公南征能以留務獨宿府城作

吾君賢相事南征獨宿軍厨負請纓燈室卧孤如怨別

月階簪草似臨行
高墉撼鐸思巴棧
老木嗥風念野營
殊憶好僧招不及
夜來倉卒鏢巖城

早春書事

百蠻降伏委三秦
錦里風迴歲已新
渠濫水泉花巷濕
日銷冰雪柳營春
何年道勝蘇羣物
盡室天涯是旅人
焚却蜀書宜不讀
武侯無可律余身

春日書懷

伯牙琴絕豈求知
往往情牽自有詩
壠月正當寒食夜

春陰初過海棠時耽書未必酬良相斷酒唯堪作老師
多病不任衣更薄東風臺上莫相吹

投杜舍人

牀上新詩詔草和欄邊清酒落花多閒消白日舍人宿
夢覺紫薇山鳥過春刻幾分添禁漏夏桐一作陰初葉滿
庭柯風騷委地苦無主此事聖君終若何

獻僕射相公

清如冰雪一作玉重如山百辟嚴趨禮絕攀強虜外聞應

喪一作須破 膽平人相見盡開顏朝廷有道青春好門館無

私白日閒致却垂衣更何事幾多詩句詠一作定 關闕

上鹽鐵尚書

時太廟宿齋

南宮環雉隔囂塵況值清齋宿大臣城絕鼓鐘更點後
雨涼煙樹月華新簷前漱曉穹蒼碧庭下眠秋沆瀣津。
聞說務閒心更靜此時憂國合求人

漢南春望

獨尋春色上高臺三月皇州駕未回幾處松筠燒後死

誰家桃李亂中開
奸邪用法原非法
唱和求才不是才

自古浮雲蔽白日
洗天風雨幾時來

晚春

惡憐風景極交親
每恨年年作瘦人
臥晚不曾拋好夜
情多唯欲哭殘春
陰成杏葉纔通日
雨著楊花已汙塵
無限後期知有在
只愁煩一作還作總戎身

將赴鎮過太康縣有題

纏入東郊便太康
自聽何暮豈龔黃
晴村透日桑榆影

曉露濕秋禾黍香十萬旌旗移巨鎮幾多一作二三輓輓負孤莊時人欲識征東將看取櫬槍落太一作荒大

彭門解嘲二首

嗚嗚吹角貳師營落日身閒笑傲行盡覺文章尊萬事却嫌官職剩雙旌終休未擬降低屈忽遇一作遇便還須致太平頻上一作向水樓誰會我泗濱浮磬是一作好同聲

傷禽栖後意猶驚偶向籬竿脫此生身外不思簪組事耳中唯要管弦聲耽吟乍可妨時務淺飲無因致宿醒

秦客莫嘲瓜戍遠水風瀟灑是彭城

清河汎舟

都人層立似山丘坐嘯將軍擁櫂遊遶郭煙波浮泗水
一船絲竹載涼州城中覩望皆丹輦旗裏驚飛盡白鷗
儒將不須誇都穀未聞詩句解風流

新竹

柳營茅土倦麤材因向山家乞翠裁清露便教一作從終

夜滴好風疑是一故園來欄邊匝去朱猶濕溉一作培

後蟲浮穴暗開他日會應威鳳至莫辭公府受塵埃

晚春

征東留滯一年年又向軍前遇火前畫出鷁舟宜祓禊
鏤成雞卵有鞦韆澄明煙水孤城立狼籍風花落日眠
賴指清和櫻筍熟不然愁殺暮春天

題彭祖樓

新晴天狀濕融融徐國灘聲上下洪極目澄鮮無限景
入懷輕好可憐風身防潦倒師彭祖妓擁登臨媿謝公

誰致此樓潛惠我萬家殘照在河東

漢廟祈雨回陽春亭有懷

南榮軒檻接城闥適罷祈農此訪春九九已從南至盡
芊芊初傍北籬新池中水是前秋雨陌上風驚自古塵
欲名羅敷傾一盞乘閒言語不容人

送李倍秀才

南朝才子尚途窮畢竟應須問葉公書劖伴身離泗上
雪風吹面立船中家園棗熟歸圭竇會府槐疎試射弓

相顧日偏留不得夜深聊欲一桮同

重遊德星亭感事

賴水川中枕水臺當時難別此重來舟沈土岸生新草
詩映紗籠有薄埃事繫興亡人少到地當今古我遲迴
殘陽照樹明於旭猶向池邊把酒桮

許州題觀察判官廳

三載從戎類繫匏重遊全許尚分茅劉郎別後無遺履
丁令歸來有舊巢冬暖井梧多未落夜寒窗竹自相敲

纖腰弟子知千恨笑與揚雄作解嘲

閒題

能鎮彭門時溥劉巨容周岌俱在麾下後各領重鎮兼端揆故作此詩

八年藩翰似僑居只此誰知報玉除舊將已成三僕射
老身猶是六尚書時丁厚讌終無咎道致中興尚有餘
爲問春風誰是主空催弱柳擬何如

送福建李大夫

洛州良牧帥甌閩曾是西垣作諫臣紅旆已勝前尹正
尺書猶帶舊絲綸秋來海有幽都鴈船到城添外國人

行過小藩應大笑只知誇近不知貧

送李倍巡官歸永樂舊居

羨君歸去

一作處

五峰前往往星河寶見仙麥龍夏枯成

廢地棗枝秋赤近高天山泉飲犢流多變村酒經蠶味

可憐曾約道門終老

一作却

住步虛聲裏寄閒眠

贈歌者

一字新聲一顆珠轉喉疑是擊珊瑚聽時坐部音中有
唱後櫻花葉裏無漢浦淺聞虛解佩臨邛焉用枉當壘

誰人得向青樓宿便是仙郎不是夫

一作虛

舞者

綠毛釵動小相思一唱南軒日午時慢輶輕裾行欲近
待調諸曲起來遲筵停七筋無非聽吻帶宮商盡是詞
為問傾城年幾許更勝瓊樹是瓊枝

天際識歸舟

斜日滿江樓天涯照背流同人在何處遠目認孤舟帆
省當時席歌聲舊日謳人浮津濟晚櫂倚沈寥秋晴闊

忻全見歸遲怪久遊離居意無限貪此望難休

和曹侍御除夜有懷

有病無媒客多慵亦太疎自憐成叔夜誰與薦相如嗜
退思年老諳空笑歲除跡閒過寺宿頭煖近階梳春立
窮冬後陽生舊物初葉多庭不掃根在逕新鋤田事終
歸彼心情倦老於斲材須見像藏劍豈為魚效淺慙尹
祿恩多負辟書疇知必擬共勿使浪躊躇

華清宮和杜舍人

一作張祜詩
趙嘏詩

五十年天子離宮仰峻一作牆
舊粉登封時正泰御宇日何

初

一作舊粉

牆

登封

時正泰

御宇日何

一作長上位先名實中興事憲章起

一作舉

戎輕甲胄餘

地復取

河湟道降玄元祖儒封孔子王因緣百司署

聚會一人湯渭水波搖綠泰山一作郊

草半黃馬馴金勒

細鷹健玉鈴鏘

一作馬頭開夜照鷹眼利星芒

下箭朱方滿鳴鞭皓腕

攘畋思獲呂望諫祇避周昌兔跡貪前逐梟心不早防

幾添鸚鵡勸先

一作頻

賜荔枝嘗月鎖千門靜天吹

一作高

一笛涼細音搖羽佩輕步宛霓裳禍亂基

一作根潛結昇

平意遽忘衣冠趨劍閣鼙鼓動漁陽外戚心殊迫中原

事可量血

一作雪

埋妃子

一作豔貌

刃斷祿兒腸

近侍煙塵

隔前蹤輦路荒益知迷

寵佞遺

一作唯

恨喪賢

一作忠

良北

闕尊明主南宮遜

上皇禁清餘鳳吹

池冷睡

一作映

龍光

祝壽山猶在流年水共傷

杜鵑魂厭蜀蝴蝶夢悲莊雀

卵遺雕拱蟲絲胥畫梁紫苔侵壁潤

紅樹閉門芳守吏

齊鴛瓦耕民得翠璫

登年

一作歡康昔

酺

一作樂講武舊兵

場暮

一作春

草深巖翠

一作靄

幽花墜逕香不堪垂白叟行

折御溝楊

送浙東王大夫

天爵擅忠貞皇恩復寵榮遠源過晉史甲族本緜笙亞
相兼尤美周行歷盡清制除天近曉衙謝草初生賓客
招閒地戎裝擁上京九街一作衢鳴玉勒一宅照紅旌細

雨當離席遙花顯去程佩刀畿甸色歌吹館橋聲驪裏
從秦賜艅艎到汴迎步沙逢霽月宿岸致嚴更渤澥流
東鄙天台壓屬城衆談稱重鎮公意念疲毗井邑曾多

難瘡痍此未平察應均賦斂逃必復桑耕隼重權兼帥
鼈雄設有兵越臺隨厚俸剝礮得尤名近相傳擣熟紙名碑夜蠟

一作州中宴春風部外行香奩局鳳詔朱篆動一作進龍

坑報後功何患投虛論素精徵還真指掌感激自關一作

開情舊業懷昏作微班負旦評空餘騷雅事千古傲劉

楨

送李殷遊京西

立馬送君地黯然愁到身萬途皆有匠六義獨無人莫

怪敢言一作
言如此已能甘世貧時來貴亦在事是掩何因

投刺皆羈旅遊邊更苦辛岐山終蜀境涇水復蠻塵埋
沒食須強炎蒸一作涼醉莫頻俗徒欺合得吾道死終新

展分先難許論詩永共親歸京稍作意充斥犯西鄰

長安送友人之黔一作湖南

衡嶽猶云過君家獨幾千心從賤遊話分向禁城偏陸
路終何處三湘在素船琴書去迢遞星路照潺湲臺鏡
簪秋晚盤蔬飯雨天同文到鄉盡殊國共行連後會應

多日歸程自一年貧交永無忘孤進合相憐

寄李頻

長安千萬蹊迷者自多迷惑性身難達良時日易低環
簷消舊雪晴氣滿春泥那得同君去逢峰苦愛齊

贈苗端公二首

繁總近何如君才必有餘身歡步兵酒吏寫魯連書坐
默聞鼙吹庭班見雪初沈碑若果去一為訪鄰居
至老不相疎斯言不是虛兩心宜一體同舍又鄰居曉

角秋砧外清雲白月初從軍何有用未造魯連書

寄河南鄭侍郎

一作郎中

三峽一作二與三壕門闌夢去勞細冰和洛水初雪灑嵩
高大雅何由接微榮亦已逃寒窗不可寐風地葉蕭騷

蒙恩除侍御史行次華州寄蔣相

林下天書起遁逃不堪移疾入塵勞黃河近岸陰風急
仙掌臨闕旭日高行野衆喧聞鴈發宿亭孤寂有狼嗥
荀家位極兼禪理應笑埋輪著所操

寄唐州楊郎中

闕睢憔悴一儒生
忽把魚鬚事聖明
貧得俸錢還乍喜
晚登朝序却無榮
前年坐蜀同樽俎
此日邊淮獨旆旌
班列道孤君不見
曲江春暖共僧行

塞上蒙汝州任中丞寄書

三省推賢兩掖才
闕東深許稍遲迴
舟浮汝水通淮去
雨出嵩峰到郡來
投札轉京憂不遠
枉緘經虜喜初開
西樓一望知無極
更與何人把酒杯

題鹽鐵李尚書滻州別業

鹿原陰面滻州濱坐覺林泉逼夢思閑景院開花落後
濕香風好雨來時鄰鶩麥野聞離雉別創茅亭住老師
備足好中還有闋許昌軍裏李陵詩

御定全唐詩卷五百五十九

欽定四庫全書
欽定全唐詩卷一萬七千九百六十五

集部

御定全唐詩卷五百六十

薛能

送劉駕歸京

相逢聽一吟，惟我不降心。
在世憂何事，前生得至音。
蒲多南去遠，汾盡北遊深。
為宿闋亭日蒼蒼，曉欲臨。

夏日寺中有懷

亭午四鄰睡，院中唯鳥鳴。
當門塞鴻去，欹枕世人情。
地

燥蒼苔梨天涼晚月生歸家豈不願辛苦未知名

夏日蒲津寺居二首

日日閒車馬誰來訪此身一門兼鶴靜四院與僧鄰雨
室牆穿溜風窗筆染塵一作茵空餘氣長在天子用平人

故國有如一作餘夢省來長遠遊清晨起閒院疎雨似深

秋宿寢書稜疊行吟杖跡稠天晴豈能出春煖未更裘

北都題崇福寺

寺即高祖舊宅

此地潛龍寺何基即帝臺細花庭樹蔭清氣殿門開長

老多相識旬休暫一來空空亦擬解干進幸無媒

題龍興寺

高戶列禪房松門到上方像開祇樹嶺人施蜀城香地
遍磷磷石江移子子牆林僧語不盡身役一作後事梁王

題大雲寺西閣

閣臨偏險寺當山獨坐西城笑滿顏四野有歌行路樂
五營無戰射堂閒鼙和調角秋空外砧辨征衣落照間
方擬殺身酬聖主敢於高處戀鄉關

舟行至平羌

貔虎直沙壠嚴更護早眼簇霜孤驛樹落日下江船暫去非吳起終休愛曾連平羌無一術候吏莫加籩

題開元寺閣

一閣見一郡亂流仍亂山未能終日住尤愛暫時閒唱櫂吳門去帝林杜宇還高僧不可羨西景掩一作坐禪關

凌雲寺

像閣與山齊何人致石

一作置是

梯萬煙生聚落一崦露招

提齋一作霽月人來上殘陽鴿去栖從邊亦已極烽火是

沈黎

石堂溪

三面接枕一作漁樵

前門向郡橋岸沙崩橘樹山逕入茶

苗夜擁軍煙合春浮妓舸邀此心無與醉花影莫相燒

荔枝樓

高檻起邊愁荔枝誰致樓會須教匠坼不欲見蠻陬樹
痺無春影天連覺漢流仲宣如可擬即此是荊州

聖岡

古跡是何王平身入石房遠村通後逕一郡隔前岡晝
靜唯禪客春來有女郎獨醒迴不得無事可焚香

蜀州鄭史使一作君寄烏觜茶因以贈答八韻

烏觜擷渾牙精靈勝鎔鉢烹嘗方帶酒滋味更無茶拒
碾乾聲細擣封利穎斜銜蘆齊勁實啄木聚菁華鹽損
添常誠薑宜著更誇得來拋道藥攜去就僧家旋覺前
甌淺還愁後信賒千慙故人意此惠敵丹砂

暇日寓懷寄朝中親友

第六句
缺一字

命與才違豈自由我身何負我身愁臨生白髮方監郡
遙心青衣懶上樓郡南有青衣山過客問嫌疎妓樂小兒憇愛
貔貅間吟一寄清朝侶未必淮陰不拜侯

春日寓懷

幽拙未謀身無端患不均盜憎猶念物花盡不知春井
邑常多弊江山豈有神捷為何處在一擬弔埋輪

監郡犍為舟中寓題寄同舍

一寢閒身萬事空任天教作假文翁旗穿島樹孤舟上
家在山亭每日中疊果盤殮丹橘地若落一作花牀席早
梅風佳期說盡君應笑劉表尊前且不同

江柳

條綠似垂纓離筵日照輕向人雖有態傷我為無情橋
遠孤臨水牆低半出營天津曾此見亦是愴行行

寄吉諫議

將迎須學返抽身合致蹉跎敢效嘵性靜擬歸無上士

跡疎常負有情人終憑二頃謀婚嫁謬著千篇斷斧斤

聞說舊交賢且達欲彈章甫自羞貧

江上寄情

天際歸舟浩蕩中我闕王澤道何窮未為時彥徒經國
尚有邊兵恥佐戎釀黍氣香村欲社斫桑春盡野無風
年來斷定知休處一樹繁花一畝宮

平蓋觀

巨柏與山高玄門靜有猱春風開野杏落日照江濤白

壁心難說青雲世未遭天涯望不極誰識詠離騷

春霽

久客孤舟上天涯漱曉津野芳榦似柳江霽雪和春吏
叫能驚鶩官廳實害身何當窮蜀境却憶滯遊人

春居即事

雲密露晨暉西園獨掩扉雨新臨斷火春冷著單衣榆
莢奔風健蘭芽負土肥交親不是變自作寄書稀

邊城寓題

孤塞復飄零天涯若墮螢東風吹痼疾暖日極青冥蠶
市歸農醉漁舟釣客醒論邦苦不早祇此負王庭

春日江居寓懷

歸興乍離邊蘭橈復錦川斫春槎
柳樹消雪土膏田岸暖尋新菜舟
寒著舊綿臨邛若箇是欲向酒家眠

邊城作

行止象分符監州是戲儒管排蠻戶遠出筭鳥巢孤人
謂稅為排戶北向秦何在南來蜀已無懷沙悔不及只謂林為叢筭

有便乘桴

聞李夷遇下第東歸因以寄贈

囊中書是居山寫海畔家貧一作頻乞食還吾子莫愁登

第晚古人惟愛賤遊閒舟行散適江亭上郡宴歌吟蠻
燭間從此樂章休叙戰漢兵無陣亦無蠻

留題

茶興復詩心一甌還一吟壓春甘蕉冷喧雨荔枝深驟
去無遺恨幽棲已徧尋峨眉不可到高處望千岑

春日北歸舟中有懷

盡日遶盤飧歸舟向蜀門雨乾楊柳渡山熟杏花村淨

鏡空山

一作江

曉孤燈極浦昏邊城不是意迴首未終恩

初發嘉州寓題

勞我是健為南征又北移唯聞杜鵑夜不見海棠時在

閭曾無負含靈合有

見一作

知州人若愛樹莫損名南詩

題漢州西湖

西湖天下名可以濯吾纓況是攜家賞從妨半驛程嘗

茶春味渴斷酒晚懷清盡得幽人趣猶嫌守吏迎重餐

逢角暮百事喜詩成坐阻湘江謫誰為詰政聲

前安撫副使曾

此賦詩尋自南宮有
湘潭之命因以吟歎

自廣漢遊三學山

殘陽終日望棲賢歸路攜家得訪禪世缺一來應薄命
雨留三宿是前緣詩題不忍離巖下屐齒難忘在水邊
猿鳥可知僧可會此心常似有香煙

三學山開照寺

盡室徧相將中方上下方夜深楠樹遠春氣陌一作林柏

香聖跡留巖險靈燈出混茫何因將慧劍割愛事空王

雨霽北歸留題三學山

遠樹平川半夕陽錦城遙辨立危牆閑思勝事多遺恨
却悔公心是謾忙灌口闕尋慙遠客峨嵋乖約負支郎
靈龕一望終何得謬有人情滿蜀鄉

行次靈龕驛寄西蜀尚書

北客推車指蜀門乾陽知已近臨坤

太原府有乾陽門尚書自北都遷蜀

從辭府郭常迴首欲別封疆更感恩援寡聖朝難望闕
暑催蠶麥得歸村雷公解斬衝天氣白日何幸遺戴盆

雨霽宿望喜驛

風雷一罷思何清江水依然浩浩聲飛鳥旋生啼鳥在
後人常似古人情將來道路終須達過去山川實不平
閑想更逢知舊否館前楊柳種初成

籌筆驛余為蜀從事病武侯非王佐才因有是題

葛相終宜馬革還未開天意便開山生欺仲達徒增氣

死見王陽合厚顏流運有功終是擾陰符多術得非姦
當初若欲酬三顧何不無為似有鰥

通仙洞

高龕險欲摧百尺洞門開白日仙何在清風客暫來臨
崖松直上避石水低迴賈掾曾空去題詩豈易哉

嘉陵驛見賈島舊題

賈子命堪悲唐人獨解詩左遷今已矣清絕更無之畢
竟吾猶許商量衆莫疑嘉陵四十字一一是天資

嘉陵驛一作題嘉陵江驛

江濤千疊閣千層銜尾相隨盡室登稠樹蔽山聞杜宇
午煙薰日食嘉陵頻題石上程多破暫歇泉邊起不能
如此幸非名利切益州來日合攜僧

嘉陵驛

盡室可招魂蠻餘出蜀門電涼隨雨氣江熱傍山根蠶
月繅絲路農時碌碡村干將磨欲盡無位可酬恩

西縣途中二十韻

野客誤桑麻從軍帶鎧鉢豈論之白帝未合過黃花落
日投江縣征塵漱齒牙蜀音連井絡秦分隔褒斜破路
商逢使山郵雀噪蛇憶歸臨角黍良遇得新瓜食久庭
陰轉行多屐齒窪氣清巖下添煙漫雨餘禽黃鳥當蠶
候稀萬雜麥查汗涼風似雪漿度蜜如沙野色生肥芋
鄉儀擣散茶梯航經杜宇烽候徹苴咩逗石流何險通
關運固賒葛侯真竭澤劉主合亡家陷彼貪功吠貽為
贊武誇陣圖誰許可廟貌我揄揚閒事休徵漠斯行且

詠巴音繁來有鐸軌盡去無車溢目看風景清懷嘯月
華焰樵烹紫筍腰簾憩烏紗杞國憂尋悟臨邛渴自加
移文莫有謂必不滯天涯

西縣作

三年西蜀去如沈西縣西來出萬岑樹石向聞清漢浪
水風初見綠萍陰平郊不愛行增氣好并無疑漱入心
從此漸知光景異錦都迴首盡愁吟

分水嶺望靈寶峰

千尋萬仞峰靈寶號何從盛立同吾道會程阻聖蹤嶺
奇應有藥壁峭盡無松那得休于是蹉跎亦卧龍

水簾吟

萬滴相隨萬響兼路塵天產盡旁霑源從顫氣何因絕
派助前溪豈覺添豪客每來清夏葛愁人才見認秋簷
嘉名已極終難稱別是風流不是簾

褒斜道中

十驛褒斜到處慵眼前常似接靈蹤江遙旋入旁來水

山谿猶藏向後峰鳥徑惡時應立虎舍田閒日自燒松
行吟却笑公車役一作使夜發星馳半不逢

褒城驛有故元相公舊題詩因仰歎而作

鄂相頃題應好池題云萬竹與千梨我來已變當初地
前遇應無繼此詩敢歎臨行殊舊境惟愁後事劣今時
間吟四壁堪搔首頻見青蘋白鷺鷺

題褒城驛池

池館通秦檻向衢舊聞佳賞此踟蹰清涼不散亭猶在

事力何銷舫已無釣客坐風臨島嶼牧牛當雨食菰蒲
西川吟吏偏思蒼只恐歸尋水亦枯

送崔學士赴東川

羽人仙籍冠浮丘欲作鄼侯且蜀侯尊騎已多行劍閣
親軍全到近綿州文翁勸學人應戀魏絳和戎戍自休
唯有夜罇懽莫厭廟堂他日少閒遊

海棠并序

蜀海棠有聞而詩無聞杜子美于斯興象靡出沒

而有懷天之厚余謹不敢讓風雅盡在蜀矣吾其

庶幾

酷烈復離披玄功莫我知青苔浮落處暮柳間開時帶
醉遊人插連陰被叟移晨前清露濕晏後惡風吹香少
傳何許妍多畫半遺島蘇連水脈庭綻粒松枝偶汎因
沈硯閒飄欲亂碁遶山生玉壘和郡徧坤維負賞慙休
飲牽吟分失飢明年應不見留此贈巴兒

詠夾逕菊

夾逕盡黃英不通人竝行幾曾相對綻元自兩行生叢
比高低等香連左右并畔搖風勢斷中夾日華明間隔
蛩吟隔交橫蝶亂橫頻應泛桑落摘處近前楹

碧鮮亭春題竹

竹少竹更重碧鮮強一作猶

一作

更有名有欄常凭立無徑獨穿

行夕月陰何亂春風葉盡輕已聞圖畫客兼寫薛先生

竹逕

盤逕入依依旋驚幽鳥飛尋多苔色古踏碎籜聲微鞭

節橫妨戶枝梢一作苗動拂衣前溪聞到處應接釣魚磯

新柳

輕輕須重不須輕衆木難成獨早成柔性定勝剛性立
一枝還引萬枝生天鍾和氣元無力時遇風光別有情
誰道少逢知己用將軍因此建雄名

牡丹四首

異色稟陶甄常疑主者偏衆芳殊不類一笑獨奢妍顆
折羞含嬾聚虛隱陷圓亞心堆勝被美色豔於蓮品格

如寒食精光似少年種堪收子子價合易賢賢迴秀應
無妬奇香稱有仙深陰宜映幕富貴助開筵蜀水爭能
染巫山未可憐數難忘次第立因戀傍邊逐日愁風雨
和星祝夜天且從留盡賞離此便歸田

萬朶照初筵狂遊憶少年曉光如曲水顏色似西川白
向庚辛受朱從造化研衆開成伴侶相笑極神仙見焰
寧勞火聞香不帶煙自高輕月桂非偶賤池蓮影接彫
盤動簾遭惡草偏招歡憂事阻就卧覺情牽四面宜繩

錦當頭稱管絃泊來鶯定憶粉擾蝶何顛蘇息承朝露滋榮仰霄天壓欄多盡好敵國貴宜然未落須迷醉因茲任病纏人誰知極物空負感麟篇

去年零落暮春時淚濕紅牋怨別離常恐便隨巫峽散何因重有武陵期傳情每向馨香得不語還應彼此知
欲就一作見欄邊安枕席夜深間共說相思

牡丹愁為牡丹飢自惜多情欲瘦羸濃豔冷香初蓋後好風乾雨正開時吟蜂遍坐無閒葉醉客曾偷有折枝

京國別來誰占翫此花光景屬吾詩

使院栽葦

戛戛復差差一叢千萬枝格如僧住處栽得吏閒時
自廳中出根從府外移從軍無宿例空想夜風吹

失鶴二首

偶背雕籠與我違四方端佇竟忘歸誰家白日雲間見
何處滄洲雨裏飛曾啄稻梁殘粒在舊翹泥潦半蹤稀
憑人轉覺多相誤盡道矇然作令威

華表翹風未可期
變丁投衛兩堪疑
應緣失路防人損
空有歸心最我知
但見空籠拋夕月
若何無樹宿荒陂
不然直道高
空外白水青山屬臘

一作獵師

答賈支使寄鶴

瑞羽奇姿踉蹌形稱為仙馭過清冥
何年厚祿曾居衛
幾世前身本姓丁
幸有遠雲兼遠水
莫臨華表望華亭
勞君贈我清歌侶
將去田園夜坐聽

陳州刺史寄鶴

臨風高視聳奇形渡海冲天想盡經因得羽儀來合浦
便無魂夢去華亭春飛見境乘桴切夜淚聞時醉枕醒
南守欲知多少重撫毛千萬喚丁丁

孔雀

偶有功名正俗才靈禽何事降瑤臺天仙黼黻毛應是
宮后屏幃尾忽開曾處嶂中真霧隱每過庭下似春來
佳人為我和衫拍遣作僂一作婆婆送一杯

鄜州進白野鵠

輕毛疊雪翅開霜紅觜能深練尾長名應玉符朝北闕
色柔金性瑞西方不憂雲路填河遠為對天顏送喜忙
從此定知消息處月宮瓊樹是仙鄉

早蟬

不見上庭樹日高聲忽吟他人豈無耳遠客自關心暫
落還因雨橫飛亦向林分明去年意從此漸聞砧

申湖

昔年依峽寺每日見申湖下淚重來此知心一已無雨

霖舟色暗岸拔木形枯舊境深相惱新春寃不殊方來
尋熟侶起去恨驚鳥忍事花何笑喧吟瀑正麌堪憂從
宦到倍遣曩懷孤上馬終回首傍人怪感吁

謝劉相公一本有字寄天柱茶

兩串春團敵夜光名題天柱印維揚偷嫌曼倩桃無味
搗覺嫦娥藥不香惜恐被分緣利市盡應難覓為供堂
廳官寄與真拋却賴有詩情合得嘗

題後集

詩源何代失澄清處。處狂波汙後生。常感道孤吟有淚。
却緣風壞語無情。難甘惡少欺韓信。枉被諸侯殺禍衡。
縱到緜山也無益。四方聯絡盡蛙聲。

秋晚送無可上人

半夜覺松雨照書燈。悄然河聲繞淅瀝。舊業近潺湲。
坐滴寒更盡吟驚宿鶴遷。相思不相見。日短復愁牽。

贈源寂禪師

餅鉢鎮隨腰。怡然處寂寥。門一作師禪從北祖。僧格似南

朝性近徒相許緣多媿未銷何傳能法一作當
傳去慧此岸

要津橋

贈禪師

嗜慾本無性此生長在禪九州空有路一室獨多年鳴
磬微塵落移餅濕地圓相尋偶同宿星月坐忘眠

夏日青龍寺尋僧二首

帝里欲何待人間無閑遺不能安舊隱都屬擾明時違
理須齊辱雄圖豈藉知縱橫悉已悞斯語是吾師

得官殊未喜失計是忘愁不是無心速焉能有自由涼

風盈夏扇蜀茗半形一作邢甌笑向權門客應難見道

流

寄題巨源禪師

風雨禪思外應殘木槿花何年別鄉土一衲代袈裟日
氣侵瓶暖雷聲動枕斜還當掃樓影天晚自煎茶

題河中亭子

河摩雙流島在中島中亭上正南空蒲根舊浸臨關道

沙色遙飛傍苑風晴見樹卑知岳大晚聞車亂覺橋通
無窮勝事應須宿霜白蒹葭月在東

逢友人邊遊迴

一作馬戴詩

遊子新從絕塞迴自言曾上李陵臺尊前語盡北風起
秋色蕭條胡雁來

春雨

電濶照潺潺驚流往復還遠聲如有洞迷色似無一作巫
山利物乾坤內并風竹樹間靜思來朔漠愁望滿柴關

逆濕消塵慮吹風觸疾

一作病

顏誰知草茅逕

一作逕者

霑此

尚虛閒

夏雨

何處發天涯風雷一道賒去聲隨地急殘勢傍樓斜透
樹垂紅葉霑塵帶落花瀟湘無限思閒看下蒹葭

秋夜山中述事

初宵門未掩獨坐對霜空極目故鄉月滿溪寒草風樵
聲當嶺上僧語在雲中正恨歸期晚蕭蕭聞塞鴻

長安道

汲汲復營營東西連兩京
闕繻古若在山岳累應成各
自有身事不相知姓名交馳兼一作喧
衆類分散入重城

此一作路

去應無盡萬方人旋一作始

生空餘片言苦來往

覓劉楨

酬泗州韋中丞塉上日寄贈兼次本韻

曾儒相悟欲成空學盡文章不見功官自拔垣飄海上
鎮從隨一作隋岸入山中嘗遭火發瞿雲一作曇宅爭得天

如老氏弓何意杜陵懷寶客也隨迷路出關東

泛觴池

通咽遠

一作遶

華樽泛觴名自君淨看壽見影輕動酒生

紋細滴隨杯落來聲就浦分便應半酣後清冷漱兼雲

謹案卷五百六十一第六頁後一行一作著刊本

著字上衍獨字今刪

第十二頁前八行二年中散似嵇康刊本嵇詒稽

據晉書改



總校官庶吉士臣張能照
校對官庶吉士臣許兆椿

謄錄監生臣馬植基

欽定四庫全書會要

集部

御定全唐詩卷五百六十一至三

詳校官原任主事臣李斯咏

集部

欽定四庫全書
欽定全唐詩卷一萬七千九百六十六

御定全唐詩卷五百六十一

薛能

荔枝詩有序

杜工部老居兩蜀不賦是詩豈有意而不及歟白尚書曾有是作興旨卑泥與無詩同予遂為之題
不愧不負將來作者以其荔枝首唱愚其庶幾

顆如松子色如櫻未識蹉跎欲半生歲杪監州曾見樹

時新入座久聞名

丁巳上元日放三雉

嬰網雖皆困寨籠喜共歸無心期爾報相見莫驚飛

寓題

一作邊
寓題

王澤猶來雅在新尚詞微事徵可愁人淫哇滿眼闊

睢弱猶賀清朝有此身

望蜀亭

樹簇烟迷蜀國深嶺頭分界戀登臨前軒一望無他處

從此西川只在心

游嘉州

一作陵

後溪

開元觀間遊因及後溪偶成

二韻

山屐經過滿逕蹤隔溪遙見夕陽春當時諸葛成何事
只合終身作卧龍

自諷

千題萬詠過三旬忘食貪魔作瘦人行處便吟君莫笑
就中詩病不任春

乞假歸題候館

一本題首有

河東幕三字

僕帶雕弓馬似飛老萊衣上著戎衣郵亭不暇吟山水
塞外經年皆未歸

監郡犍為將歸使府登

一本有通濟二字

樓寓題

幾日監臨向蜀春錯拋歌酒強憂入江樓一望西歸去

不負嘉州只負身

過象耳山二首

一色青松幾萬栽異香薰路帶花開山門欲別心潛願
更到蜀中還到來

到處逢山便欲登自疑身作住來僧徒行至此三千里
不是有緣應不能

聖燈

莽莽空中稍稍燈坐看迷燭變澄清須知火盡煙無益。
一夜欄邊說向僧

過昌利觀有懷

萬仞雲峯八石泉李君仙後更誰仙我來駐馬人何問
老柏無多不種田

蜀路

劍閣緣雲拂斗魁
疾風生樹過龍媒
前程憩罷知無益
但是駕蹄亦到來

山下偶作

零雨霑山百草香
樹梢高頂盡斜陽
橫流巨石皆堪住
何事無僧有石房

伏牛山

虎蹲峰狀屈名牛
落日連村好望秋
不為時危耕不得

一犁風雨便歸休

老圃堂

一作曹
鄭詩

邵平瓜地接吾廬
穀雨乾時偶手一作自鋤昨日春風欺
不在就牀吹落讀殘書

春題

柳莫搖搖花莫開此心因病亦成灰人生只有家園樂
及取春農一作濃歸去來

并州寓懷

人多知遇獨難求人負知音獨愛酬常恐此心無樂處
枉稱年少在并州

中秋旅舍

一作中秋
旅舍書懷

雲卷庭虛一作卷盡庭雲月逗空一方秋草盡一作色草鳴蟲是時

兄弟正南北黃葉滿階來去風

符亭二首

并序

東三泉十五里以飛瀑結茅雖小甚勝諸所記注
皆云前宰符姓所為俞姓所脩而不識其人因題

曰符亭旌之也

符亭之地雅離羣萬古懸泉一旦新若念農桑也如此
縣人應得似行人

山如巫峽煙雲好路似嘉祥水木清大抵游人總應愛
就中難說是詩情

秋夜聽任郎中琴

十指宮商膝上秋七條絲動雨脩脩空堂半夜孤燈冷
彈著鄉心欲白頭

留別關東舊遊

我去君留十載中未曾相見及花紅他時住得君應老
長短看花心不同

贈出塞客

出郊征騎逐飛埃此別惟愁春未回寒葉夕陽投宿意

蘆一作蕭 關門向遠河開

秋溪獨坐

黃葉分飛砧上下白雲零落馬東西人生萬意此端坐

日暮水深一作聲流出溪

蒲中霽後晚望

河邊霽色無人見身帶春風立岸頭濁水茫茫有何意
日斜還向古蒲州

宋氏林亭

地濕莎青雨後天桃花紅近竹林邊行人本是農桑客
記得春深欲種田

雲花寺寓居贈海岸上人

暫寄空門未是歸上方林榭獨著一作 儒衣吾師不語應

相怪一作問 頻惹街塵入寺飛

關中秋夕

簾濕秋庭岳在煙露光明滑竹蒼然何人意緒還相似

鶴宿松枝月半天

西縣道中有短亭巖穴飛泉隔江灑至因成二

首

風涼津濕共微微隔岸泉衝石竅飛爭得巨靈從野性

舊鄉無此摩將歸

一瀑三峰赤日天
路人才見便翛然
誰能夜向山根宿
涼月初生的有仙

省試夜

一作韋
承貽詩

白蓮千朵照廊明
一片承平雅頌聲
更報第三條燭盡
文昌風景畫難成

過驪山

丹輦蒼蒼簇背山路塵應滿
舊廉間玄宗不是偏行樂

只為當時四海閒

曲江醉題

閒身行止屬年華
馬上懷中盡落花
狂遍曲江還醉卧
覺來人靜日西斜

參軍廳新池

簾外無塵勝物外
牆根有竹似山根
流泉不至客來久
坐見新池落舊痕

太原使院晚出

青門無路入清朝濫作將軍最下僚同舍盡歸身獨在

晚風開印葉蕭蕭

寒食日曲江

曲水池邊青草岸春風林下落花盃都門此日是寒食
人去看多身獨來

藍屋官舍新竹

心覺清涼體似吹滿風輕撼葉垂垂無端種在幽閒地

衆鳥嫌寒鳳未知

京中客舍聞箏

十二三弦共五音，每聲如截遠人心。
當時向秀聞鄰笛，不是離家歲月深。

銅雀臺

魏帝當時銅雀臺，黃花深映棘叢開。
人生富貴須回首，此地豈無歌舞來。

壽安水館

地接山林兼有石，天懸星月更無雲。
驚鷗上樹滿池水，驚鷗上樹滿池水。

瀟瀟一聲中夜聞

雨後早發永寧

春霖朝罷客西東雨足泥聲路未通獨愛千峰最高處

一峰初日白雲中

宿仙遊寺望月生峰

公門身入洞門行出穿離籠似有情僧語夜涼雲樹黑

月生峰上月初生

秋題

獨坐東南見曉星白雲微透沈寥清磷磷甃石堪僧坐

一葉梧桐落半庭

和友人寄懷

從來行樂近來稀
蘧瑗知言與我違
自是衷心不如舊
非關四十九年非

子夜

嫖姚家宴敵吳王子夜歌聲滿畫堂此日相逢眉翠盡

女真行李乞齋糧

鴈和韋侍御

肅肅雍雍義有餘九天鸞鳳莫相疎唯應靜向山窗過

激發英雄夜讀書

和府帥相公

一作蜀中和府帥相公過安撫崔判官廳不遇之什

竹映高牆似傍山鄒陽歸後令威還君看將相才多少
兩首詩成七步間

又和留山鷄

五色文勝百鳥王相思兼絕寄芸香由來不是池中物

鷄樹歸時即取將

舟中酬楊中丞春早見寄

錦樓春望憶丹楹更遇高情說早鶯江上境寒吟不得

濕風梅雨滿船輕

寒食日題

美人寒食事春風折盡青青賞盡紅夜半無燈還有睡

一作不寐鞦韆懸在月明中

杏花

活色生香第一流手中移得近青樓誰知豔性終相負
亂向春風笑不休

黃蜀葵

嬌黃新嫩一作蕊

欲題詩盡日含毫有所思記得玉人初

病起較一作

道家粧束獻禳時

春詠

春來還似去年時手把花枝唱竹枝狂瘦未曾食有味
不緣中酒却緣詩

贈歡娘

八歲善
吹笙

一束龍吟細竹枝青娥孽在手中吹當時縱使雙成在
不得如伊是小時

戲瞻相

失意蹉跎到舊遊見吹楊柳便遮羞瞻相趙女休相拽
不及人前詐擺頭

贈解詩歌人

同有詩情自合親不須歌調更含頻朝天御史非韓壽

莫竊香來帶累人

贈韋氏歌人二首

弦管聲凝發唱高幾人心地暗傷刀思量更有何堪比
王母新開一樹桃

一曲新聲慘畫堂可能心事憶周郎朝來為客頻開口
綻盡桃花幾許香

加階

二年中散似嵇康此日無功換寵光唯有一般酬聖主

勝於東晉是文章

野園

野園無鼓又無旗，鞍馬傳盃用柳枝。
嬌養翠娥無怕懼，

插人頭上任風吹。

郊亭

郊亭宴罷欲回車，滿郭傳呼調角初。
尚擁笙歌歸未得，笑娥扶著醉尚書。

老僧

清瘦形容八十餘匏懸籬落似村居勸師莫羨人間有幸是元無免破除

僧窗

不悟時機滯有餘近來為事更乖疎朱輪皂蓋蹉跎盡猶愛明窗好讀書

題平等院

十里城中一院僧各持巾鉢事南能還應笑我功名客未解嫌官學大乘

影燈夜二首

一作元詩上

偃王燈塔古徐州二十年來樂事休此日將軍心似海
四更身領萬人遊

十萬軍城百萬燈酥油香暖夜如烝紅粧滿地煙光好
只恐笙歌引上昇

許州旌節到作

兩地旌旗擁一身半緣傷舊半榮新州人若憶將軍面

寫取雕堂報國真

重遊通波亭

十年拋擲故園花
最憶紅桃竹外斜
此日郊亭心乍喜
敗榆芳草似還家

戲舸

遠舸衝開一路萍
岸傍偷上小茅亭
遊人莫覓盃盤分
此地纔應聚德星

偶題

到處吟兼上馬吟
總無愁恨自傷心
無端夢得鈞天樂

畫覺宮商不是音

折楊柳十首并序

此曲盛傳為詞者甚衆文人才子各衒其能莫不條似舞腰葉如眉翠出口皆然頗為陳熟能專於詩律不愛隨人搜難抉新誓脫常態雖欲弗伐知音其舍諸

華清高樹出離宮南陌柔條帶暖風誰見輕陰是良夜
湊泉聲畔月明中

洛橋晴影覆江船羌笛秋聲濕塞煙間想習池公宴罷
水蒲風絮夕陽天

嫩綠輕懸似綴旒路人遙見隔宮樓誰能更近丹墀種
解播皇風入九州

暖風晴日斷浮埃廢路新條發釣臺處處輕陰一作可

惆悵後人攀處古人栽

潭上江邊嫋嫋垂日高風靜絮相隨青樓一樹無人見

正見女郎眠覺時

汴水高懸百萬條風清兩岸一時搖隋家力盡虛裁得

無限春風屬聖朝

和風煙樹

一作雨

九重城夾路春陰十萬營唯向邊頭不

堪望一株林一作纓願少人行

窗外齊垂旭日初樓邊輕暖好

一作好暖

風徐游人莫道裁

無益桃李清陰却不如

衆木猶寒獨早青御溝橋畔曲江亭陶家舊日應如此

一院春條綠遶廳

帳偃纓垂細復繁令人心想石家園風條月影皆堪重

何事侯門愛樹萱

柳枝四首

數首新詩帶恨成柳絲牽我我傷情柔娥幸有腰支穩

試踏吹聲作唱聲

高出軍營遠映橋賊兵曾斫火曾一作逢曾兵火一時燒風流性

在終難改

一作盡一作死

依舊春來

一作暖日一作風還生

萬萬條

縣依陶令想嫌迂營畔將軍即大廳此日與君除萬恨

數篇風調更應無

狂似纖腰嫩勝綿自多情態竟

一作更

誰憐遊人不折還

堪恨拋向橋邊與路邊

柳枝詞五首并序

乾符五年許州刺史薛能於郡閣與幕中談賓酣飲酷耐因令部妓少女作楊柳枝健舞復歌其詞無可聽者自以五絕為楊柳新聲

朝陽晴照綠楊煙一別通波十七年應有舊枝無處覓

萬株風裏卓旌旃

晴垂芳態吐牙芽

一作芽

新雨擺輕條濕面春別有出牆高

數尺不知搖動是何人

暖曉

一作

梳簪杂事登樓因挂垂楊立地愁牽斷綠絲攀

不得半空懸著玉搔頭

西園高樹後庭根處處尋芳有折痕終憶舊遊桃

葉舍一株斜映竹籬門

劉白蘇臺總近時當初章句是誰推纖腰舞盡春楊柳

未有儂家一首詩

自注劉白二尚書繼為蘇州刺史皆賦楊柳枝詞世多傳唱雖有才語但

文字太僻宮商不高如可者豈斯人徒歟洋洋乎唐風其令虛愛

吳姬十首

夜鎖重門晝亦監眼波嬌利瘦巖巖偏憐不怕傍人笑
自把春羅等舞衫

龍麝薰多骨亦香因經寒食好風光何人畫得天生態
枕破施朱隔宿粧

滴滴春霖透荔枝筆題牋動手中垂天陰不得君王召

頻著青蛾作小詩

鉢合重盛繡結深昭陽初幸賜同心君知一夜恩多少

明日宣教放德音

退紅香汗濕輕紗高捲蚊厨獨卧斜嬌淚半垂珠不破

恨君瞋折後庭花

取次衣裳盡帶珠別添龍腦裛羅襦年來寄與鄉中伴

殺盡春蠶稅亦無

畫燭燒蘭暖復迷殿幃深密下銀泥開門欲作侵晨散

已是明朝日向西

樓臺重疊滿天雲殷殷鳴鼉世上聞此日楊花初似雪

女兒弦管弄參軍

冠剪黃綃帔紫羅薄施鉛粉畫青娥因將素手誇纖巧

從此椒房寵更多

身一作自是三千第一名內家叢裏獨分明芙蓉殿上中

元日水拍銀臺弄化生

題于公花園

舍桃莊主後園深繁實初成靜掃陰若使明年花可待
應須惱破事花心

登城

偶作閒身上古城路人遙望不相驚無端將吏逡巡至
又作都頭一隊行

好客

好客連宵在醉鄉蠟煙紅暖勝春光誰人肯信山僧語
寒雨唯煎治氣湯

贈普恭禪師

一日迢迢每一食我心難伏我無一作
心難南簷十月繩

牀暖背卷真經向日看

贈無表禪師

笠戴圓陰楚地櫻磬敲清響蜀山銅秋來說偈寅朝殿
爽爽一作輕灑楊枝滿手風

彭門偶題

淮王西舍固非夫柳惲偏州未是都直到春秋諸列國

擁旄才子也應無

嘲趙璘

巡關每傍擣捕局
望月還登乞巧樓
第一莫教嬌太過
緣人衣帶上人頭

句

百首如一首卷初如卷終

北夢瑣言能以詩自負
還劉得仁卷題詩云云

坐

久僕頭出語多僧齒寒

南部新書

西塞長雲盡南湖片月

斜

古今詩話

李白終無取陶潛固不利

論詩見鄭谷集注

我身

若在開元日爭遣名為李翰林

寄符郎中
見鄭集

御定全唐詩卷五百六十一

欽定四庫全書
欽定全唐詩卷五百六十二

集部

御定全唐詩卷五百六十二

劉威

劉威會昌時人詩二十七首

早春

曉來庭戶外草樹似依依
一夜東風起萬山春色歸
冰消泉脈動日暖露珠晞
已醞看花酒嬌鶯莫預飛

傷春感懷

花飛惜不得年長更堪悲春盡有歸日老來無去時風
前千片雪鏡裏數莖絲腸斷青山暮獨攀楊柳枝

閏三月

三年皆一閏此閏勝常時莫怪花開晚都緣春盡遲節
分炎氣近律應蕙風移夢得成蝴蝶芳菲幸不遺

早秋遊湖上亭

危亭秋尚早野思已無窮竹葉一尊酒荷香四座風曉
煙孤嶼外歸鳥夕陽中漸愛湖光冷移舟月滿空

宿漁家

竹屋清江上風煙四五家水園分芟葉鄰界認蘆花雨
到魚翻浪洲迴鳥傍沙月明何處去片片席帆斜

旅中早秋

金威生止水爽氣遍遙空草色蕭條路槐花零落風夜
來萬里月覺後一聲鴻莫問前程事颯然沙上蓬

早秋西歸有懷

求歸方有計惜別更堪愁上馬江城暮出郊山戍秋暗

銷何限事白盡去年頭莫怪頻惆悵異鄉難再遊

冬夜旅懷

寒窓危竹枕月過半牀陰嫩葉不歸夢晴蟲成苦吟酒無通夜力事滿五更心寂寞誰相似殘燈與素琴

塞上作

蕭蕭龍水側落日客愁中古塞一聲笛長沙千里風鳥無棲息處人愛戰爭功數夜城頭月彎彎如弓弓

秋日寄陳景孚秀才

征車日已遠物候尚淒淒風葉青桐落露花紅槿低心

隨秦國遠夢到楚山迷却恨銜蘆鴈秋飛不向西

冬日送友人西歸

北風吹別思杳杳度雲山滿望是歸處一生猶未閒知
音方見譽浮宦久相關空有心如月同君千里還

感寓

海竭山移歲月深分明齊得世人心顏回徒恨少成古
彭祖何曾老至今湏向道中平貴賤還從限內任浮沈

他年免似驪山鬼信有蓬萊不可尋

七夕

烏鵲橋成上界通千秋

一作年

靈會此宵同雲收喜氣星

樓曉

一作橋滿雨

香

一作雨

拂輕

一作香月

塵玉

一作月殿

空翠輦不行

青草路金鑾徒候

恨一作恨

白榆風絲盤花閣無窮意只在

遊絲一縷中

晚春陪王員外東塘遊宴

水綠山青春日長政成因暇泛回塘初移柳岸笙歌合

欲過蘋洲羅綺香共濟已驚依玉樹隨流還許醉金觴
一聲畫角嚴城暮雲雨分時滿路光

遊東湖黃處士園林

偶向東湖更向東數聲聲雞犬翠微中遙知楊柳是門處
似隔芙蓉無路通樵客出來山帶雨漁舟過去水生風
物情多與閒相稱所恨求安計不同

題許子正處士新池

坐愛風塵日已西功成得與化工齊巧分孤島思何遠

欲似五湖心易迷漸有野禽來試水又憐春草自侵隄
那堪更到芙蓉拆晚夕香聯桃李蹊

旅懷

物態人心漸渺茫十年徒學釣滄浪老將何面還吾土
夢有驚魂在楚鄉自是一身嫌苟合誰憐今日欲佯狂
無名無位却無事醉落烏紗卧夕陽

早秋歸

數口飄零身未迴夢魂遙斷越王臺家書欲寄鴈飛遠

客恨正深秋又來風解綠楊三署冷月當銀漢四山開
茫茫歸路在何處砧杵一聲心已摧

歐陽示新詩因貽四韻

衝戛瑤瓊得至音數篇清越應南金都由苦思無休日
已證前賢不到心風入寒松聲自古水歸滄海意皆深
欲知字字驚神鬼一氣秋時試夜吟

尉遲將軍

天仗擁門希授鉞重臣入夢豈安金江河定後威風在

社稷危來寄託深扶病暫將弓試力感恩重與劍論心
明妃若遇英雄世青塚何由怨陸沈

贈歐陽秀才

桐上知音日下身道光誰不仰清塵偶來水館逢為客
舊熟詩名似故人永日空驚滄海闊何年重見白頭新
權門要路應行遍閒伴山夫一夜貧

贈道者

五雲深處有真仙歲月催多却少年入郭不知今世事

賣丹猶覓古時錢閒尋白鹿眠瑤草暗摘紅桃去洞天
時向人間深夜坐鬼神長在藥囊邊

贈道者

道帔輕裾三島雲綠鬚長占鏡中春高風已駕祥鸞馭
浮世休驚野馬塵過海獨辭王母面度關誰識老聃身
儒生也愛長生術不見人間大笑人

遣懷寄歐陽秀才

地上江河天上鳥百年流轉只須臾平生閒過日將日

欲老始知吾負吾似豹一斑時或有如龜三顧豈全無
古來晚達人何限莫笑空枝猶望蘇

送元秀才入道

不教榮樂損天機願逐鸞皇次第飛明月滿時開道披
俗塵飄處脫儒衣只攜仙籍還金洞便與時流隔翠微
空有緘題報親愛一千年後始西歸

三閭大夫

三閭一去湘山老烟水悠悠痛古今青史已書殷鑒在

詞人勞詠楚江深竹移低影潛貞節月入中流洗恨心

再引離騷見微旨肯教漁父會昇沈

傷曾秀才馬

買得龍媒越水漬輕桃細杏色初分秋歸未過陽關日
夜魄忽銷陰塞雲呉練已知隨影沒朔風猶想帶嘶聞
臨軒振策休惆悵坐致煙霄只在君

李玖

李玖歙州巡官詩八首

噴玉泉冥會詩八首

纂異記曰會昌元年孝廉
許生下第東歸次壽安甘

棠館西逢白衣叟云赴噴玉泉與三四君子追
舊遊至泉所見四丈夫有少年神貌揚揚者有

短小氣宇落落者有長大少鬚鬚者有清瘦言
語瞻視疾速者皆金紫坐泉傍謂叟曰王川來

何遲叟曰適憇前館偶見西楹題詩晦其姓名
有似為座中一二公者吟諷少駐耳因述其詩

座中皆掩面慟哭神貌揚揚者曰作詩人得非
伊水上受我推食解衣之士乎久之各賦噴玉

泉感舊游書懷詩詩成各自吟諷長號數四響
動岩谷慘無言語而別按四丈夫甘露四相也

玉川盧仝也伊水受恩之士或自謂噴玉泉在
河南壽安縣傳載云山水絕勝太和中游者始

盛王涯傳別墅有佳木流泉
詳詩意墅正在此泉上也

白衣叟途中吟二首

春草萋萋春水綠野棠開盡飄香玉繡嶺宮前鶴髮人
猶唱開元太平曲

厭世逃名者誰能答姓名曾聞王樂否眷取路傍情

白衣叟述甘棠館西楹詩

浮雲淒惻日微明沈痛將軍負罪名白晝叫闇無近戚
縞衣飲氣只門生佳人暗泣填宮淚廄馬連嘶換主聲
六合茫茫皆漢土此身無處哭田橫

白衣叟噴玉泉感舊遊書懷

樹色川光向晚晴
舊曾遊處事分明
鼠穿月榭荆榛合
草掩花園畦壠平
迹陷黃沙仍未寤
罪標青簡竟何名
傷心谷口東流水
猶噴當時寒玉聲

四丈夫同賦

鳥啼鶯語思何窮
一世榮華一夢中
李固有冤藏蠹簡
鄧攸無子續清風
文章高韻傳流水
絲管遺音託草蟲
春月不知人事改
閒垂光影照洿宮

揚揚者少年神貌

桃蹊李徑盡荒涼訪舊尋新益自傷雖有衣衾藏李固
終無表疏雪王章羈魂尚覺霜風冷朽骨徒驚月桂香
天爵竟為人爵悞誰能高叫問蒼蒼

短小器宇落落者

落花寂寂草綿綿雲彩山光盡宛然壞室基摧新石鼠
瀦宮水引故山泉青雲自致慚天爵白首同臨感昔賢
惆悵林間中夜月孤光曾照讀書筵

清瘦瞻視疾速者

新荆棘路舊衡門又駐高車會一尊寒骨未沾新雨露
春風不長敗蘭蓀丹誠豈分埋幽壤白骨終希照覆盆

珍重昔年金谷友共來泉際話幽魂長大少
鬚眉者

潘唐

潘唐會昌時人詩一首

下第歸宜春酬黃頗餞別

聖代澄清雨露均獨懷惆悵出咸秦承明未薦相如賦
故國猶慚季子貧御苑鍾聲臨遠水都門樹色背行塵
一從此地曾攜手益羨江頭桃李春

御定全唐詩卷五百六十二